



UNIVERSITÄTS-
BIBLIOTHEK
PADERBORN

Avrea Gemma Christianorvm

Ruben, Leonhard

Paderbornae, 1604

LVIII. De iniurijs & irrisione Christo in cruce pendentis illatis.

[urn:nbn:de:hbz:466:1-68313](https://nbn-resolving.org/urn:nbn:de:hbz:466:1-68313)

unicuique militi partem & tunicam. Erat autem
 tunica inconsutulis, desuper contexta per totum: Di-
 xerunt ergo ad inuicem. Non scindamus eam, sed
 sortiamur de illa cuius sit, ut scriptura impleretur,
 dicens. Partiti sunt vestimenta mea sibi: & in ve-
 stem meam miserunt sortem. Et milites quidem
 hac fecerunt.

CAPVT LVIII.

De iniurijs & irrisione Christo in cruce penden-
 ti illatis.

FIGURAE, I. Noë vini haustu inebriatus,
 nudus dormiens in tabernaculo, à filio illu-
 ditur, & eius nuditas alijs fratribus detegitur,
 vnde maledicitur à patre, Genes. 9. 20. 21. 22.
 23. 24. 25. 26. 27.

2. Michol ridet Dauidem ante arcam Dei
 nudatum saltantem, & eandem Deus sterilitate
 affligit. 2. Reg. 6. 20. 21. 22. 23.

3. Dauid maledicitur à Semei 2. Reg. 16.
 7. vt suprâ. cap. 45. qui postea iussu Salomo-
 nis occiditur ex præcepto Dauidis. 3. Reg. 2. 46.

4. Elisæus ascendens irridetur à pueris, qui
 postea ab vrsis occiduntur. 4. Reg. 2. 23. 24. *As-*
scendit autem inde in Bethel: cumque ascenderet per
viam, pueri parui egressi sunt de ciuitate, & illude-
bant ei dicentes: Ascende calue, ascende calue. Quo-
cum respexisset, vidit eos, & maledixit eis in nomine
Domini: egressique sunt duo vrsi de saltu, & lacera-
uerunt ex eis quadraginta duos pueros.

Bb 2

PROF

PROPHECIAE. Job. 16. 1. 2. 3. Respon-
 dens autem Iob, dixit, audini frequenter talia, conso-
 latores onerosi omnes vos estis. Nunquid habebunt
 finem verba ventosa? aut aliquid tibi molustum est
 si loqueris? Ibidem cap. 19. 21. 22. Misere-
 ni mei, misere mini mei, saltem vos amici mei, quia
 manus Domini tetigit me. Quare persequimini me
 sicut Deus, & carnibus meis saturamini? Psalm. 3.
 3. Multi dicunt anima mea: non est salus ipsi in
 Deo eius. Psalm. 21. 7. 8. 9. Ego autem sum ver-
 mis & non homo, opprobrium hominum, & abie-
 ctio plebis. Omnes videntes me, deriserunt me, lo-
 cuti sunt labijs, & mouerunt caput. Sperant in
 Domino, eripiat eum: saluum faciat eum, quoniam
 vult eum. Vers. 13. 14. Circum dederunt me vo-
 li multi: tauri pingues obsederunt me. Aperu-
 runt super me os suum, sicut leo rapient & rugiens.
 Psalm. 37. 12. 13. 14. 15. Amici mei, & proximi mei
 aduersum me appropinquauerunt, & steterunt. Et
 qui iuxta me erant, de longè steterunt: & qui se-
 quebantur qui querebant animam meam. Et qui in-
 quirebant mala mihi, locuti sunt vanitates: & dolos
 tota die meditabantur. Ego autem tanquam sur-
 dus non audiebam: & sicut mutus non aperiebam
 os suum. Et factus sum sicut homo non audiens: &
 habens in ore suo redargutiones. Vers. 20. 21. Inimici
 autem mei viuunt, & confirmati sunt super me. In-
 multiplicati sunt qui oderunt me inique. Quo-
 niam tribuunt mala pro bonis, detrahebant mihi
 quoniam sequebar bonitatem. Psalm. 63. 4. 5.

*exacuerunt ut gladium linguas suas : intenderunt
 arcum rem amarum, ut sagittent in occultis imma-
 culatum. Psalm 68. 8. 9. 10. Quoniam propter te
 sustinui opprobrium : operuit confusio faciem meam.
 Extraneus factus sum fratribus meis, & peregrinus
 filijs matris mee. Quoniam zelus domus tua comes
 ait me : & opprobria exprobrantium tibi, ceciderunt
 super me. Psalm. 73. 4. Et gloriati sunt qui ode-
 runt te, in medio solemnitatis tue. Psalm. 108. 25.
 Et ego factus sum opprobrium illis : viderunt me,
 & mouerunt capita sua. Ierem. 7. 4. Nolite con-
 fidere in verbis mēdacy, dicentes: tēplum Domini, tē-
 plum Domini, templum Domini est. Thren. 2. 15.
 16. Plauserunt super te manibus omnes transeuntes
 per viam : sibilauerunt, & mouerunt caput suum
 super filiam Ierusalem : Heccine est vrbs, dicentes,
 perfecti decoris, gaudium vniuersa terra? Aperue-
 runt super te os suum omnes inimici tui: sibilauerunt,
 & fremuerunt dentibus, & dixerunt: Deorabimus:
 en ista est dies, quam expectabamus: inuenimus, vi-
 dimus. Osee. 13. 9. 10. 11. Perditio tua Israël, tan-
 tummodo in me auxilium tuum. Vbi est rex tuus?
 maxime nunc saluat te in omnibus urbibus tuis: &
 iudices tui, de quibus dixisti. Da mihi regem,
 & principes. Dabo tibi regem in furore meo, & au-
 feram in indignatione mea. Alludit ad 1. Reg. 8. 5.
 vbi petiuerunt regem, & Ioan. 19. 15. vbi non ha-
 bent regem nisi Cæsarem. Amos. 6. 6. 7. 8. 9.
 10. 11. 12. Bibentes vinum in phialis, & optimo un-
 guento delibuti : & nihil patiebantur super contri-*

tionem Ioseph. Quapropter nunc migrabunt in castra
 te transmigrantium: & auferetur factio lasciuientium.
 Iurauit Dominus Deus in anima sua, dicit Dominus Deus exercituum; de restor ego superbia
 Iacob, & domos eius odi, & tradam ciuium cum
 habitatoribus suis. Quod si reliqui fuerint deueni-
 ri in domo una, & ipsi morientur. Et tollet eum pro-
 pinquus suus, & comburet eum, ut offerat ossa de do-
 mo: & dicet ei, qui in penetralibus domus est. Non-
 quid adhuc est penes te? Et respondit: finis
 est. Et dicet ei: Tace, & non recorderis nomi-
 nis Domini. Quia ecce Dominus mandabit, &
 percutiet domum maiorem ruinis, & domum muni-
 rem scissionibus.

VERITAS. Matt. 20. 19. Et tradent eum
 gentibus ad illudendum, & flagellandum, & cruci-
 figendum, & tertia die resurget. Luc. 2. 34. Et de-
 nedixit illis Simeon, & dixit ad Mariam matrem
 eius: Ecce positus est hic in ruinam, & in resurrectionem
 multorum in Israel: & in signum cui contra-
 dicetur. Matt. 27. 39. 40. 41. 42. 43. 44. Præter
 euntes autem blasphemabant eum, mouentes capsa
 ta sua, & dicentes: uah qui destruis templum Dei, &
 in triduo illud reedificas: salua te ipsum, si Filius
 Dei es, descende de cruce. Similiter & principes sa-
 cerdotum illudentes, cum scribis, & senioribus, dice-
 bant: alios saluos fecit, semetipsum non potest saluum
 facere; si rex Israel est, descendat nunc de cruce, &
 credimus ei. Constat in Deo, liberet nunc si
 eum: dixit enim, quia Filius Dei sum. Id ipsum
 & lat

Et latrones, qui crucifixi erant cum eo improperabant ei. Similia Marc. 15. 29. 30. 31. 32. Luc. 23. 35. 36. Et stabat populus spectans, & deridebant eum principes cum eis, dicentes: Alios saluos fecit, se saluum faciat, si hic est Christus Dei electus. Illudebant autem ei & milites accedentes, & acetum offerentes ei. Vers. 39. Unus autem de his, qui pendebant latronibus, blasphemabat eum, dicens. Si tu es Christus, saluum fac te ipsum, & nos. Vers. 40. 41. Respondens autem alter increpabat eum, dicens: Neque tu times Deum quod in eadem damnatione es. Et nos quidem iuste, nam digna factis recipimus: hic vero nihil mali gessit.

CAPVT LIX.

De primo verbo à Christo prolato in cruce. Pater dimitte illis, non enim sciunt quid faciunt.

- F**IGURAE. I. Verus Ioseph excusat peccatum fratrum suorum. Genes. 50. 16. 17. 18. 19. 20.
2. Moyses in vertice montis orat pro populo idololatrico, vt Deus illis ignoscat. Exod. 32. 7. 8. 9. 10. 11.
3. In ore leonis mortui inuenitur dulcissimus fauus mellis. Iud. 14. 8. 9. In ore Christi fermo omni acceptione dignus, quia Christus venit saluare peccatores. 1. Timoth. 1. 15. Fidelis fermo, & omni acceptione dignus: quod Christus Iesus venit in hunc mundum peccatores saluos facere, quorum primus ego sum.
4. Exercet actum summi sacerdotis, qui est offerre, & orare pro sua (quam non habuit)

Bb 4

& populo